

愚

齋

存

稿

愚齋存彙卷第六十七目錄

電報四十四

寄美京梁大臣

又

寄成都錫清帥

張宮保來電

寄張宮保

美京梁大臣來電

外務部來電

寄張宮保

寄外務部

又

商部來電

美京梁大臣來電

寄京外務部商部鄂張宮保

又

又

又

寄漢口鐵寶臣尙書

寄京外務部商部鄂張宮保

外務部來電

寄外務部

又

外務部來電

俄京胡大臣來電

寄京外務部商部鄂張宮保

寄京外務部甯周玉帥

張宮保來電

寄張宮保

張宮保來電

寄張宮保

江督周玉帥來電

張宮保來電

周玉帥來電

寄鄂張宮保

寄周玉帥

又

周玉帥來電

寄周玉帥

寄江甯黃花農方伯

周玉帥來電

外務部來電

寄外務部

外務部來電

寄外務部

江甯黃方伯來電

外部那琴軒尙書來電

外務部來電

寄周玉帥

寄武昌張宮保

愚齋存彙

卷六十七目錄

三

思補樓藏版

寄外務部

寄江甯周玉帥

寄外務部

太原張筱帥來電

寄外務部

武昌張宮保來電

外務部來電

那琴軒尙書來電

寄武昌張宮保

張宮保來電

又

外務部來電

寄外務部

張宮保來電

寄張宮保

寄商部振貝子

愚齋存彙卷第六十七

電報四十四

寄美京梁大臣

光緒三十年十一月十三日張香帥會電

洞奉廷寄合興正議廢約着悉心核議挽回利權等因
宣查合興顯背合同必應作廢續約十七款不得轉他
國現查底股比法居多事權他屬正約十四款禁別人
侵壞合同現派非美公司之錫度來華干預全路工程
逾限廣州一節逾估甚鉅工程司藉路經商漁利各洋
匠疊次槍斃人命並有竊資遠遁索帳不送索兇不交
壓制中國應有轄察之權請照會美外部註銷正續合

同中美商務正盛想美政府累次代中國保全主權亦
不願他國人干預侵損也祈取復電示

又

十一月十三日

請面告美外部中美交厚故創辦時立意借美款今美
名比實上下譁駭謂與俄法路貫串腹心關我命脈卽
損美名譽合同精神全失不得已請作廢前美政府照
復云如該公司改其規模辦法卽不認保護務祈認定
前言卽允註銷云此就國際說勿用照會

寄成都錫清帥

十一月十四日

詹天佑先經赴豫驗估道口一帶鐵路尙須赴京稟復

外務部與英商議訂合同事竣卽令赴蜀留美學生明年期滿回國者自可聽調胡棟朝等當卽將尊諭轉飭遵照王寵佑稟請畢業後赴歐洲歷練一年再回國前已批准計須丙午回來若令早回所造尙淺川省鐵路自辦實爲上策將來華工程司不敷若僱用日本熟手薪水甚便宜只要自款自辦華員總其成亦不患不受節制

張宮保來電

十一月十四日

查美公司粵漢鐵路合同前係奉 旨批准此時

議廢合同固須奉有 朝命然專言 朝命將來

或恐牽動交涉此次致梁使咨文自應歸重三省紳民萬口一詞力持廢約之議公呈外務部上達宸聽 朝廷俯順輿情不能不准予廢約斷不能強三省數千萬人民令其遷就從前壞局必須將此意補入詳細痛切發揮以見廢約出自三省紳民公論方覺決斷喫緊洞爲三省人民代表更應專以民情公義爲主美國素重民權此說較易動聽不致引入交涉所斟酌補敘爲要如咨文已發可飛速補電梁使俾於照會美外部文內照改敘入仍望將補敘之語酌妥電示切禱

寄張宮保

十一月十五日

公電已達鹽電注重民權更喫緊補電梁使如下合興
事三省紳民萬口一詞力持廢約公呈外務部上達
宸聽 朝廷俯順輿情洞爲三省代表斷不能強數千
萬人遷就壞局自蹙生路因飭由洞等廢約請專以民
情公義爲主補入照會云已發

美京梁大臣來電

十一月十八日並致張香帥

遵照會並面告外部據云公司事權仍屬美經誠
力駁始允詳酌照復容續陳

外務部來電

十一月二十三日並致張宮保

梁使電稱四百萬小票合興與訟頃受託函稱係已取未提復交存儲於十七日盡交合興誠復該受託違命擅發應任咎既定廢約督辦宜速告合興並宣布止人購票合興誕妄遲廢虧鉅等語希核辦

寄張宮保

十一月二十四日

外部濫電計覽敝處九月致部東電十月致梁濫電均請禁止提票梁復外部允堅持到底今受託人於美外部尙未照復之前違命擅交請挈銜公電梁使速登各報聲明合興背約華政府已徇三省紳民公議照請廢

電商部香帥云

又十二月初三日

頃接合興公司總董復電廢約一事本公司萬不能答應今已上訴政府貴大臣所擬之舉無非強硬廢棄徒致鉅大虧累本公司大半股份的實係在美國人之手而歸其完全掌握現已籌商辦法將管轄公司之權存於美國人之手云

又十二月初三日

現擬電復合興公司就使比人股權及比人干預各節全行真實銷除尙有十月四號所詳別項背約之事故

合同仍須作廢云並擬電請梁使轉告美外部仍候大部鄂帥裁示再發

又十二月初五日

頃又接梁使支電摩根收比股千二美不認廢約宜迫修合同圖善後請轉外務部商部云

寄漢口鐵寶臣尙書

十二月初五日

中國自辦煤鐵機礦僅有萍冶各一處藉資鋼鐵廠用頻年督飭張道李郎中等苦心經營粗有端緒而華商見小力薄挪扯俱窮此事關係富強必須再接再厲公抱遠識當有同心伏望將實在情形面陳宮樞加意培

植大局幸甚

寄京外務部商部鄂張宮保

十二月初九日

初三擬復合興一電未蒙裁示迄未敢發接香帥電湘紳以摩根係比黨所謂收回比股決無此理除收回自辦外更不承認第二種辦法等語應否速復梁使或就近告康使仍迫美認廢約不准合興售票開工以免誤會中國默許乞速裁酌

外務部來電

十二月初九日

澤道路事昨哲美森來署與詹守公同查閱估單所有前後用款五十五萬二千餘鎊均可核准惟

另有創辦測繪經費等四項除行車預備之費可
自行酌定外其餘三項尙在磋減約計總數需六
十三四萬鎊哲催訂明數目以便電達倫敦總會
現約十一日續議希速酌核電復

寄外務部

十二月初十日

澤道估單用款五十五萬二千餘鎊均可核准總數約
需六十三四萬鎊尙在磋減查哲美森原交第二款係
借票七千張九扣總計六十三萬鎊十七八款聲明少
則補足多則交還可知其早有成見至創辦測繪經費
係併礦務在內彼已佔利權不小似應切實核減管見

准借六十三萬鎊所餘七萬七千餘鎊能減一分創辦
經費即可多餘一分行車備款乞鈞裁

又十二月初十日

買同福公司路初辦數年恐車利不敷借息必須預備
查四項內倫敦各局費一萬八千鎊實則工程單內已
開支局費不少應可刪除築造時息銀六萬鎊亦應核
減行車資本四千鎊該路現存材料甚多若不任令移
至礦所足敷將來修路之用亦可不加又接通礦局支
路五英里哲意歸礦可扣除造價一萬八千餘鎊委員
查明地價韓道帳開八千四百餘兩哲開五百鎊可見

其歸礦之路價只算一半大約總可扣回至少兩萬鎊
加之三項核減若得存抵兩年息款便算公允

寄俄京胡馨吾星使

十二月初十日

呂大臣會電

聞俄俟陸戰後願與日直接了結不許他國干預確否
乞示

外務部來電

十二月初十日

上海俄艦水手斧斃周生有一案迭據江海關道
來電擬開特別公堂會審本部屢電胡使切商外
部并照會俄使速飭交兇審辦屢次爭辨迄未定
議俄領據自審判定爲監禁四年兼作苦工該道

不認商民集議眾怒所激恐釀事端 朝廷慎重
民命顧全大局此事惟有據理力爭該商民等自
應靜候妥辦倘或不忍小忿聚眾暴動深恐別生
枝節更難結束貴大臣熟諳交涉兼悉商情希卽
督同江海關道剴切開導速爲妥籌本部現經奏
聞頃已面商雷使允電俄領與尊處商辦所有辦
理情形隨時電達爲盼

俄京胡大臣來電

十二月十一日

俄陸軍一勝定卽言和非窮迫到極處不許人干
預

寄京外務部商部鄂張宮保

十二月十二日

奉商部蒸電粵漢廢約事已函請香帥主持應候香帥
復電酌辦奉鄂軫電湘紳以盛擬復電陽言廢約陰實
迴護此電尙未發所有美國電報一切應請香帥主持
稿若應附列賤名者亦請鄂中徑發再行知會以免失
機近接粵信合興將欲料理開工故請速復美電外國
辦事不予駁復卽算默許若置不答恐其誤會非謂三
省默許也

寄京外務部甯周玉帥

十二月十二日

頃與俄領駁論四鐘之久會審不允覆審亦不允謂三

日前已定案犯已交禁法牢並謂誤殺辦到四年監禁苦工已算極重又駁其持斧斃命雖死者係誤死殺者實是故殺彼允將全案鈔送如指實失出可再理論又允四年可自日俄停戰兵船帶犯回國日起在滬監禁之日不算在內袁道云此案德法領事均助俄擬俟案到再交担文細核有無破綻

張宮保來電

十二月十二日

三省紳民堅持廢約自辦之說不認第二種辦法誠以合輿前既違背合同種種失信於三省紳民此後雖願設法改良三省紳民亦不敢相信與其

勉强遷就易啟齟齬何如註銷合同互敦睦誼合
興既有資本可營之業甚多何必沾沾於粵漢鐵
路觀三省紳民宗旨實在無可轉圜猶之美待華
工雖政府極願維持而工黨堅執美政府亦無如
何鄙人爲三省紳民代表其不能抑勒輿情使不
廢約正如美政府之不能挽回工黨務望台端切
電梁使婉商美政府允將合興原訂合同及續約
一律註銷以昭公道至應如何措詞方中肯綮祈
卓裁酌定徑復梁使爲禱

寄張宮保

十二月十三日

錫電以遷就易啟齟齬何如註銷實是至理總公司已
爲眾矢之的恨不能立廢合同相安無事況自蒙保薦
倏忽七年盧漢工竣定當卸責湘紳既疑迴護美電未
便由滬轉發以美待華工由於工黨堅執爲對待正中
肯綮尊處直認三省紳民代表始終力持輿情已得題
髓此電務望速發萬勿再遲

張宮保來電

十二月十三日並致外務部商部

頃接粵閩省紳商公電云歌電敬悉合與顯背合
同已失信用必應作廢前美政府云如該公司改
其規模辦法卽不認保護具見美國國家保全名

署粵省認定此言統籌路費計畫略定今據海大
臣文稱該公司近在中國頗遭物議是認明美商
有背約之舉方始藉詞收回股票事後彌縫難信
他日再無意外舉動況僅收大半則未收尙多美
股前爲比得公司腐敗全賴三省華人公憤助力
始漸收回豈能令比股消除便許續辦查兩國立
約信用一失卽無執行原約之權乞轉電盛梁兩
大臣據理力爭勿再游移致貽後患並懇我帥堅
持全粵感禱等語特轉達請速電梁使與之駁辯

寄張宮保

十二月十三日

粵紳公電亦有至理應請尊處徑電梁使

江督周玉帥來電

十二月十四日並致呂吳兩大臣楊杏城京卿

奉十三日電

旨奉省兵災地廣人眾著周馥轉

飭上海紅十字會總辦多延員紳速撥鉅款前往奉省會同地方官廣施振濟以全民命欽此請商會內諸公速即欽遵辦理至擬延員紳何人前往携款若干如何查放並望會籌辦法一面電達增將軍一面電示弟處以便奏慰宸廑

張宮保來電

十二月十四日並致外務部商部

湘紳急於爭回路權措詞不免過於忿激敝處不

得不爲轉達然事關大局利害湘紳情詞迫切其
意要自無他此時與美爭廢合同全賴官紳與總
公司協力同心未可自家先存意見訂約既係總
公司獨任廢約自係總公司專責從前梁使來電
明言三省官紳之電美公司斷不承認可見凡有
爭辯美國專認總公司也上次敝處奉 旨籌議
此事尊處屬會銜電梁係爲宣布廢約起見故勉
從尊指若現由敝處電梁美既不認斷斷無益總
之三省籌款自辦鄙人必竭力提倡籌集廢約則
尊處專責自應自尊處電梁至應如何措詞如何

籌辦悉由尊處斟酌萬勿稍存推諉大局幸甚

周玉帥來電

十二月十四日並致滬道

周案昨見胡使致部電會審一層恐做不到蓋兇犯並未礙及中立不能不照約既照約不能不由彼承審彼既持之有故我轉爭之無辭弟前致海翁庚真各電已詳言之今交担文復核如所判情罪尙無不公確有例案可證則更難與爭劉道謂俄領有議撫之意如能於辦罪外添此一層在彼固格外見好在我亦不能約外再爭似亦可以下臺統希兩公勸導甬民勿再聚議時勢如此幸勿

別生枝節切盼

寄鄂張宮保

十二月十五日

鹽電謂籌款自辦事在廢約之後尙可從容現在似應先籌廢約全賴協力同心未可自存意見實深欽佩惟數月來總公司屢將三省官紳之電轉美美不承認此次尊處領首美卽承認照復語意婉轉彼蓋知總督有代表三省之權不能不承認非比總公司只能就合同言合同也尊處錫吻兩電注重輿情若仍僅列宣名與前電不符美又必不承認然梁轉美部復文輾轉商酌已半月倘不從權恐誤事機當卽將尊電斟酌照前會

銜電梁以後務請尊處主稿鄂徑發滬轉發均可美公
司電則可由總公司單復並非推諉外交最重分際乞
原諒

寄周玉帥 十二月十六日

在滬官紳悉爭會審或謂天津條約第七條有會同字
樣卽當會審或謂逃艦歸我保護自應由我審辦此不
特甬民之議然也宣與俄領面商覆審以平人心彼以
案已判定例難再審鄙見辦案全憑條約律例兩端條
約無可爭只可爭律例如果實係故殺自必加重彼審
案不傳華證一堂卽定確係草率現索其全案擬交律

師詳勘如有罅隙卽可控彼承審不實若果是誤殺雖爭會審亦何益有律師一言亦可稍平人心惟據袁道云担文欲索重費擬請袁道與說明先代查案此是南洋法律官應辦之事似難推託如要興訟再籌訟費尊意以爲何如仍求指示

又十二月十六日

寒電極爲欽佩已傳諭甬董勿再聚議劉道所云俄允撫卹而甬人以爲恥竟說不進鄙見總以尊意爲宗旨決不使生枝節但須從容赴題未能過急日來匿名稟函絡續不絕只求息事甯人毀謗不復能顧

周玉帥來電

十二月十七日

俄領此次審案未傳華證公責其草率極中肯綮
而赴題未可過急一層尤佩卓識俟將全案交來
請交律師詳斟酌辦統煩盡畫紉感無既至查案
爲法律官應辦之事誠如尊論未便給費想担文
不拘此節

寄周玉帥

十二月十八日

滬甯鐵路總工程司格林森及福德愛排立三人二十
日到甯謁見稟陳勘路情形格仍同滬福愛二十四日
卽赴清江坐小輪船由水路至臨淮關勘閱各處河道

爲浦口至信陽鐵路建造橋梁張本事畢原路回滬查
清江以上小輪行駛不多鄉愚無知不免驚疑況到處
有聞難免阻滯除派四川候補縣王紹祖伴護外卽請
飛飭經過地方妥爲保護俾免疎虞禱甚

寄江甯黃花農方伯

十二月十八日

呂大臣會電

據丹徒縣嚴紳作霖面述該縣被旱情形蒙玉帥飭蘇
藩派員前往查勘議辦並飭該縣據實詳報惟藩委至
今未到現已開倉祇減冬漕二千石仍須完四萬二千
石合錢二十萬串鎮民乞振之不暇力實未逮時迫歲
闌請免又格於例查戊子大旱曾蒙 特旨蠲免全漕

並賞截漕五萬石本年災情不減戊子惟有援照成案仰乞玉帥會同蘇撫電奏籲懇特恩蠲免該縣本屆冬漕以廣皇仁而蘇民困嚴紳無半畝之田實爲該邑大局起見丹徒爲海舊治宣亦有桑梓誼旣據力請未敢壅於上聞應請據情代達玉帥迅賜裁奪施行

周玉帥來電 十二月十九日

周案想卓見已有辦法惟頃接滬道電外部請各國公斷持論頗正前接外部佳電本有擬仿英北海漁船案公斷之語如慮案難速了諸公電商外

部請各國公斷似亦妥當祈速酌奪

外務部來電 十二月二十日並致張宮保

駐美梁使電稱張盛電仍主廢約美外部謂比股
既收萬不應廢摩根等極有信望美廷須堅持保
護等語希查照

寄外務部 十二月二十日

號電周案速籌了結敬悉辦案全憑條約律例今條約
無可爭只可爭律例彼審案不傳華證一堂卽定確係
草率俄領已將供判送來譯成英文卽交律師詳勘如
有罅隙似可控彼承審不實或先據理辯駁若係誤殺

得律師一言亦可稍平人心該領允給撫卹而甬人以爲恥現與南洋密籌總以息事甯人不生枝節爲主但須從容赴題未能過急袁道電大部請各國公斷倘各國能照允自係大妙論者以俄船歸我保護已失主權犯案應歸華辦此確離開條約之論我無治外權能做得得到與否正無把握

外務部來電

十二月二十日

道清路款迭次磋議減至六十一萬四千六百鎊卽照尊處卦電訂借六十三萬鎊除去前項用款餘交總公司留備行車等費昨已咨達現將全合

同簽出各案與哲續議第一款已將晉豫礦地詳列所改澤清一段且待礦務興旺等語哲堅不肯添只允改爲定期開辦澤州一帶礦務後再行續訂第十九款哲請刪除或僅敘修路以下各節至行車合同第一第二兩條所增督辦大臣核准字樣哲謂行車總管不比總工程司應由福公司選派並執定正太合同成樣終不允添辨論再四只允於第一條末添所辦之人應知照督辦大臣查核其餘刪節各款尙易商量就緒現約二十日續議希速酌核電復

寄外務部

十二月二十日

道清行車合同總公司應握主權第一二款彼謂福公司有全權總公司祇參預爲正太合同所無喧賓奪主其弊甚遠澤清如不預算礦務可敷養路必大喫虧彼但請開辦不顧盈虧是一面之詞第十九款路已造成應就修路而言其涉及造路者應歸澤清合同似不可刪當否乞鈞裁

江甯黃方伯來電

十二月二十一日並致呂大臣

奉嘯電當卽轉呈督帥鑒閱奉諭前據嚴紳來函以丹徒本年被旱請咨商蘇撫酌量減賦當飭常

鎮郭道詳查情形會同蘇藩司妥爲酌辦後接蘇撫並藩臬來電秉勘案內由司批准被旱田三萬四千餘畝蠲免下忙漕米其餘歸入成熟項下啟征所有剔征田畝及成熟田上下忙征銀普減三成實征七成漕米照則全征核計本屆漕米已較上年蠲減二千四百餘石並以該縣山石居多恆苦乾旱開浚溝塘實爲備荒要舉由司詳委金倬兆藩會縣勘辦以工代賑等語張令又請每米一石減讓公費錢五百文前日郭道來電又請蘇垣緩定荒熟分數俟查議加剔無收畝數再行酌減

銀米在案查地方果有災歉自當格外體恤如地方官辦災不實亦必予以懲處此間接到嚴紳來函卽飭司道查議愚民不候官爲查辦乃於十四十五兩日聚眾鬪堂打傷勇役滋鬧不堪經道府再四彈壓始得解散令人辦理爲難現經蘇委常州府許守前往查辦大約日內已到鎮江應俟查議詳復再由蘇會奏此時不必先電奏囑轉復等因嚴紳等素著鄉望乞轉囑開導鄉民勿再滋事爲幸

外部那琴軒尙書來電 十二月二十一日

二十日電悉具佩蓋籌此案彼照約辦滬道執中立辦法並無確切依據欲藉此爭治外權各國亦未必助我俄捏告我不守中立現在通告理論我固有詞若一暴動轉貽口實利害所關甚鉅持高論而居美名徒壞大局非任事者所宜言執事卓識毅力必能安定人心設法結束希卽督同滬道妥辦隨時電示一切

外務部來電

十二月二十一日

行車合同第二款福公司有全權總公司祇參預兩語均已駁刪彼指督辦核准字樣亦爲正太所

無堅不肯添昨又商辦不允祇得照前議於第一款末添敘兩句澤清預算礦務屢爭不得前英使來照亦力駁此層恐難款已改按修路而言但與二十四款簽改字句有重複之處似可節刪哲謂修路一層可併敘在行車第二款內意義相同亦可酌併哲交來借款合同第一款末段應付之款句下係英金六十一萬四千六百鎊借款利息句下經督辦大臣訂爲七十萬鎊卽借票七十張每張一百鎊每年五釐行息名曰一千九百零五年

中國 國家河南鐵路五釐借款第二款全文如

下由以上之七十萬鎊內發票六千八百二十九張每張一百鎊照票面之數九扣核算六十一萬四千六百鎊以還已用之貲本此票卽於鐵路交與中國之日交福公司其利息由發票之日起算福公司當時將起算行車至交路之日止所有始創及預備陸續一切行車需用經費未經載入估單除扣同行車進款外核算其若干及由一千九百零五年正月一號至交路之日止其貲本應得利息若干一併由餘剩之票一百七十一張內仍按九扣付還福公司如尚有餘剩則歸總公司備

用或此票不敷還款應續發借票若干各等語彼
以交路之後恐行車進項未必敷用故添末二句
以免臨時爲難究竟餘剩之票是否敷用由尊處
酌核全文應如此敘否亦未定准現訂二十五續
議統希速核電復

寄周玉帥

十二月二十一日

本日時報載袁道全電深加贊美民情勢必觀望專盼
各國公斷頃已遵示電商外部如能照行萬分妥愜

寄武昌張宮保

十二月二十三日

夏閒屬交專門礦師布魯特編輯礦務章程當派王道

存善等督同辦理半載以來極費辛苦今已脫稿已飭清繕開正即可送呈核定奏咨總期中外通行無弊與商約第九款相濟庶可告無罪於天下後世惟聞伍侍郎所定礦律亦將入奏此事尊處前曾奉 旨議辦似應卽由尊處電告商部俟會核商定再行核奏以免將來再有紛歧

寄外務部

十二月二十三日

路款六十一萬四千六百鎊除用款五十五萬二千餘鎊其六萬餘鎊想卽創辦測繪經費倫敦各局費築造息銀三項磋減之數似宜截至交路之日止一概包括

在內又查煤礦枝路既歸福公司自執尙應扣回造價一萬八千餘鎊礦路地價照韓道帳開係八千四百餘兩而哲只開五百鎊尙應扣回五百鎊綜計約扣回二萬鎊如不允扣自應將煤礦枝路亦歸我執借款餘剩只有一萬五千四百鎊今彼云始創及預備陸續一切行車需用經費未載估單但約數幾何始創二字何指若論交路以前行車虧折照前議彼此分認不應中國全認又零五年正月一號至交路止爲時甚暫築造息銀認款已鉅不應又生枝節可否請再與磋商以免得步進步續發借票一語似應聲明交路之後如行車進

項不敷按期發還本息亦可向福公司續借若照舊稿
恐混到交路時卽有此舉仍乞鈞裁

寄江甯周玉帥

十二月二十四日

周生有案不過如斯惟俄艦在滬勇丁去來自由難保
不再生事劉道面稱青島約束極嚴可否請公設法電
詢膠督及威海保護俄艦章程或託駐甯德英領事覓
寄公在東威信久著彼必不靳俟有依據請派袁道劉
道卽與俄領議定爲懲前毖後之計若無膠威援引亦
難辦到然否乞示

寄外務部

十二月二十七日

創辦行車以車輛爲大宗餘皆小款而哲鄭重言之恐必有故可否將創辦酌改辦理二字免再藉索創辦使費總公司核算之下請加交路之前不再添購車輛等件大成公司不允立據只可聽之

太原張筱帥來電 十二月二十八日

頃接潘道函知前電購地各節已承照察公明敬佩惟函稱洋工程師言照直隸辦法志道與江守相同祇有復勘之責無購地之權等語查此路軌里晉地過直倍餘本重在晉志道係奏派購地查勘委員前出三銜會示有志道無江守又率尊處

加札均有購地字樣此其職分案據迴與江守不同不得謂無購地之責具有明證工師又稱發價仍照舊章遇有爭執方驗紅契又稱紅契必須二十八年前等語查會示雖有爭論驗契之說然稱查照民間通行價值從優發給其價必較紅契爲優緣民間報稅向多減價照契實已喫虧然民間可無異言若照直隸辦法其價更減於紅契與會示所云從優給發大相懸殊況晉民尤爲愚弱直民尙能忍受晉民未必敢爭官爲作主席期公信相孚可期省事至云二十八年前舊契則二十九

年後豈無買賣斷無官民通同欺騙公司之理工
師又稱發價可請志道監發查此事不重發價而
重定價必須勘定路線之始議明購地辦法方爲
妥善倘工程司不照會示辦法致有延誤晉不任
咎統祈裁示爲盼

寄外務部 十二月二十八日

周案本日督同袁道等與俄領事會勘供判彼執定照
條約應歸俄自斷結無可復議告以條約律例所難辦
者斷不勉強但雷使既允領事與我面商必當有商允
之事以安人心一按俄律一千四百五十八款科罪應

監禁八年承審判詞已聲敘乃又減等定擬四年殊不公道應候檢齊案件咨送胡使照詢外部轉咨海部復核仍照承審官原議監禁八年俄領云儘可咨詢頃已先照會該領作爲宕筆二監禁應自押到俄國之日起算在滬監禁無論久暫不在限內俄領已有照會復允三應酌給撫卹銀兩可聽苦主自做善舉俄領云只能給家屬數目請示雷使卽定四俄國兵民來者日眾應援引青島威海等處章程圈禁保護不得任令游蕩酗酒滋事俄領云自出周案已嚴禁游蕩酗酒如要定專章領事無權除已請南洋電詢膠威兩督並託克納貝

詢取章程再由袁道另辦外今日會議各節甬紳均得在座環聽已令傳諭息事用慰鈞厯

武昌張宮保來電

十二月二十八日

頃准外務部敬電粵漢路事美使照稱准本國政府電訓不允中政府將合興合同作廢因該公司前售他國股票現經美國人多出優價買回如中政府廢此合同是與搶劫無異一定不能聽從等因希速酌核電復以憑照復美使等語已轉電湘粵官紳妥籌速復查美使照會語氣係恐美商受虧款無着落故極力保護堅持在三省官紳力爭

廢約自辦係專爲保守主權地權起見亦必百折
不同鄙意辦大事不能惜費此舉必使合興公司
不致受虧已售之金元小票及優價買回之他國
股票款皆有著席可與美政府平心理論前此屢
致梁使電皆空言廢約而未言廢約後如何辦法
是以美政府堅不聽從此事究應如何抵制必須
妥籌實在辦法閣下身在中周知底蘊且有律
師可詢可訪務望以大局主權爲念切籌平允妥
當辦法使約可廢而美政府不致爲難開誠布公
詳細見示以便轉商湘粵官紳公同酌議切禱

外務部來電 十二月二十九日

周案科罪擬恤原議監禁八年咨送胡使照詢復核自是正辦酌給銀兩作爲善舉之用亦尙合宜
圈禁保護查照膠威章程較有依據所議均甚妥協自可就此結束仍希電商南洋督飭袁道將善後事宜妥辦總期息事甯人以維大局

那琴軒尙書來電 十二月二十九日

周案已可結束盡畫周詳良深欣佩咨詢胡使爲題中應有之義撫卹改作工藝學堂如教案之建施醫院歸入善舉較爲得體且可平甯人之心善

後事宜調劉道會同袁道妥辦亦免隔閡統希照
行爲盼

寄武昌張宮保

光緒三十一年正月初四日

尊意三省自辦百折不回欽佩尤甚但聞摩根爲美巨
商本看不起此路生意現今優價買回他國股票是美
政府主見美以英德俄法比均有承辦鐵路美素無嫌
隙乃獨見拒故不從美使既來照會若照復直以合興
不使受虧爲詞轉恐責我違約授彼以柄總公司自去
春撤退葛利詰其兩端一係售股他國違十七款一係
總工程司侵我管轄之權派福開森赴美理論因議廢

約中止十二月初三擬復美電云就使他國人股權干預各節全行真實除銷尙有十月四號所詳別項背約之事故合同仍須作廢等語尊處復電疑及迴護故未敢發鄙見仍宜責其別項背約庶可理直氣壯否則深慮美政府以爲不肯十七款便可一定不從直將別項背約之事一概抹煞變本加厲不可不防公奉命籌議宣本不當復費一詞蒙諭開誠布公用敢直陳以備采擇

張宮保來電

正月初七日並致外務部商部

粵紳等來電云有電敬悉鐵路合同係中國與美

商訂立應照國際私法條例辦理該公司顯背原約始議作廢美廷雖有保護之權此則不在保護之例三省民情不服若任以美接美難保不再蹈前轍致激他變且股票能以優價贖回他日亦可以優價沽出是美非美何從考查又此路交與美商承築中國仍有自主之權款雖美款路是我路約由我立背約應由我廢備款贖路何謂搶劫現在中美交好美廷素敦信義諒必不袒背約之商致礙公理倘堅持不廢三省商民另築一路以圖抵制粵民萬眾一心有進無退我公忠義中外同

欽務望設法維持三省託命禱甚銓萃道銘慶桂
國廉崇齡暨合省商民同叩儉湘紳等來電云有
電謹悉美政府既經有人運動曲祖合興自在意
中此時尙甫發端惟求竭力抵制勿爲危言所動
竊謂宜宣告美政府比股卽真收回該公司私售
在先豈能無罰法律之判定是懲其既往非勸其
將來往日以續約而私售今日因廢約而收回反
復難信安知異日不因此約不廢仍復售出況約
已逾期例可作廢背約之事不止一端美國素著
文明宜重公理該公司先時私售與比尙且甘心

今日顯歸中國豈不冠冕至比國之股美因贖回
比人未謂美人刦搶中國之路中國收回可謂刦
搶乎美人贖回於既售之後足爲此路可以收贖
鐵證豈美可贖於比獨不許華贖於美耶若慮妨
美體面請卽援美人贖比之例稱爲贖約不稱廢
約美贖於比比之名譽無損華贖於美美之體面
何傷目下三省士民協力籌畫若驟激之恐美商
在華辦事必多棘手美政府於公司數十百人尙
要多方保護華政府於三省數千萬人豈能全用
壓力美國固重民權華民豈無公義請卽據達外

部轉美政府摩根久不問公司之事此次亦經人運動出來總之此約倘不力爭湘人民早晚爲黑奴之續湘土地早晚爲東三省之續移山填海之死靡他湛霖先謙自元祖同叩艷等語特并轉達杏翁支電讀悉三省眾情堅迫如此台端如有駁詰要義務望籌示速辦相機設詞總以能廢此約保全中國主權安靖南省人心爲度至從前各紳忿激之詞出於一時情急故用激將之法望勿介懷爲禱

又 正月十一日

麻電想達覽前致感電所言不使美公司受虧各節乃密告尊處以結局實在辦法免致尊處或有爲難至與美政府理論應如何措詞方中窾要此責自在台端蓋廢約自辦當分兩截合興違背合同之事惟總公司身親其境了澈始終此時據約責言援律爭辯非原議之人不能喫緊故廢約必由台端力持自辦在聯合三省力任籌款期於廢約後應付之款確有着落此則敝處所當擔承也來電謂摩根本看不起此路生意是此路並不能獲利美國向不利人土地所爭在商務商務重在

獲利何苦爭此不能獲利之路推美廷之所以保護合興者懼廢約後合興或有所損失耳若美廷知約雖廢而合興不致受虧似轉圖較易務望尊處熟籌深慮切電梁使與美政府開誠布公商廢此約此約廢則三省紳民無不感公頌公羣謗自息諒卓見必已籌及祈力圖之爲幸

外務部來電

正月十一日

昨與哲美森續議路約大致相符惟行車第二款車務局字樣哲請改爲鐵路局究竟車務鐵路名目有何區別並應用何者爲宜哲又將鎔化廠條

款增改除二三四款字句稍有參差尙無出入其第一款首敘晉礦合同原文指出平澤潞孟等處視原稿渾言山西界限較清惟平權辦理句下添合辦派股之時福公司可將創始已用經費分派核算撥入股本項內等語當詰以滬議條款並無此層礙難添入且創辦經費若干無憑核計不能允認哲出勘礦各項經費帳單約三十萬鎊謂應三分勻攤除晉豫煤礦攤去兩分外晉鐵十萬應各認五萬告以原議未提不應又生枝節帳單亦未便存留彼堅請認定此項方允合辦現約十三

續議當再與磋商並爭合辦煤礦不知能否辦到
統希酌核速電復

寄外務部 正月十二日

道清路成行車一切用款應取材車務局毋庸另設鐵路局哲前稿係云澤道鐵路滬局工竣復設滬局尤糜費似應用澤道車務局字樣爲妥晉鐵合認創辦使費上年會議駁以晉鐵晉開不須用使費營謀福公司從前不正經用款晉豈能認惟礦師及哲薪水並實因勘鐵礦所用經費可分攤亦須交出細帳憑單再核語載上年六月二十四節略已呈鑒乞鈞裁

張宮保來電 正月二十九日

迭致麻卦兩電迄未接復殊深焦急尊意以美雖
允收同比股仍宜責其別項背約之事庶可理直
氣壯做處但期此約作廢應如何措詞悉聽尊處
主裁屢電諄切奉商何以久未見復深爲疑悶焦
急究竟尊處曾否電梁使轉達美政府美政府是
否承認別項背約之事非延宕可了尊意畢竟如
何務望迅賜電示昨梁使來電謂由我購回公司
股票以華接美辦法較易收束做處已請其試辦
梁使謂此舉務宜秘密防彼居奇公局中人特以

實告千萬勿洩至要至禱此外有無別法仍盼速
籌示

寄武昌張宮保

正月三十日

宣自初五後劇發痰飲飲食不進神志迷亂二十餘日
不能看公事爲從來所未有麻卦電致未奉復歉甚廢
約事宜終必與公同心將來自必水落石出所責其別
項背約事梁使來函已照會美政府此欲證其應廢合
同尙不止售比股一端目前惟有彼此堅持盡廢合同
而湘紳所謂贖約者卽是結束之法平空議價必多浮
冒購回公司股票爲數有限此是釜底抽薪妙法去夏

已議及此惜爲人阻撓今專託梁使想可秘密望公堅持辦理勿爲搖動

寄商部振貝子

正月三十日

南洋公學向章正月二十日開學現在各班學生紛紛稟求開學應請電飭王參議先行接收開學現尙有經費十萬餘兩移交目前足可敷用將來鈞意如欲擴充俟宣到京尙可面商斷非倉猝所能定議如總辦等尙未定人或可仍令提調張令美翊暫時代理宣因學生環求恐其紛散殊屬可惜用敢瀆陳乞示復

愚齋存稿卷第六十七